

四庫

全書

四庫

全書

第八八八冊

四庫全書

● 上海古籍出版社

本冊目次

藝文類聚(二)

唐歐陽詢等奉敕撰……一

欽定四庫全書

子部
藝文類聚卷三十六

詳校官中書臣李彤

員外郎臣牛稔文覆勘

總校官知縣臣楊懋珩

校對官中書臣李荃

謄錄監生臣郭履

欽定四庫全書

藝文類聚卷三十八

唐 歐陽詢 撰

禮部上

禮

祭

宗廟

釋奠

禮

管子曰禮者因人之情緣義之禮而為之節文者也
物理論曰禮者履也律也義同而名異五禮者吉凶

賓軍嘉也

周禮大宗伯之職以吉禮事邦國之鬼神祇事謂祀

欽定四庫全書

藝文類聚
卷三十八

之祭之享之以凶禮哀邦國之憂哀謂救患分災也
以賓禮親邦國以軍禮同邦國同謂威其不叶僭差
也以嘉禮親萬民嘉善也所以因人心所善而為制
吉禮之別十有二一曰禋祀二曰實柴三曰燠燎四
曰血祭五曰埋沉六曰醢辜七曰肆獻八曰饋食九
曰祠十曰禴十一曰嘗十二曰蒸凶禮之別有五
一曰喪禮哀死亡二曰荒禮哀凶札荒人物有害者也
三曰吊禮哀禍災遭水火也四曰禴禮哀國敗同盟

合會財貨以更其所喪也五曰恤禮哀寇亂鄰國相憂
賓禮之別有八一曰朝二曰宗三曰覲四曰遇五曰會
六曰同七曰問八曰視軍禮之別有五一日大師之禮以
用衆二曰大均之禮以恤衆均其地政所以憂民三曰大田之禮
以簡衆因田習閭車徒之數也四曰大役之禮以任衆
築官邑所以事民力彊也五曰大封之禮以合衆正封
疆以合衆人也嘉禮之別有六一曰飲食二曰婚姻三
曰賓射四曰饗燕五曰脤膾六曰慶賀又曰太宰掌建
邦之六典三曰禮典以和邦國以統百官以諧萬民又
曰大司徒以五禮防民之偽而教之中

欽定四庫全書

藝文類聚
卷三十八

禮記曰禮也者體也禮不備謂之不成人又曰夫禮者
所以定親疎決嫌疑別同異明是非也道德仁義非禮
不成教訓正俗非禮不備分爭辨訟非禮不決君臣上
下父子兄弟非禮不定又曰夫禮先王以承天之道以
治人之情故失之者死得之者生詩云相鼠有體人而
無禮胡不遄死言偃復問曰夫子之極言禮也可得而

聞與孔子曰我欲觀夏道是故之杞而不足徵也吾得
夏時焉我欲觀殷道是故之宋而不足徵也吾得坤乾
焉又曰故人情者聖王之田也修禮以耕之陳義以種
之講學以耨之本仁以聚之播樂以安之又曰禮其在
人也如竹箭之有筠也如松柏之有心也二者居天下
之大端矣貫四時不改柯易葉又曰夫禮本於大一分
而為天地轉而為陰陽變而為四時列而為鬼神
大戴禮曰禮象五行也其義四時也故以四時舉有恩
有義有節有權

欽定四庫全書

藝文類聚
卷三十八

左傳曰子太叔見趙簡子簡子問揖讓周旋之禮對曰
是儀也非禮也簡子曰敢問何謂禮對曰聞諸先大夫
子產曰夫禮天之經也地之義也民之行也又曰邾隱
公來朝子貢觀焉邾子執玉高其容仰公受玉卑其容
俯子貢曰以禮觀之二公皆有亡焉今朝賀而不度高
仰驕也卑俯替也驕近亂替近疾君為主其先亡乎
論語曰道之以政齊之以刑民免而無恥道之以德齊

之以禮有恥且格又曰顏回問仁子曰克己復禮為仁
一日克己復禮天下歸仁焉為人由己而由人乎哉顏
回曰請問其目子曰非禮勿視非禮勿聽非禮勿言非
禮勿動顏回曰回雖不敏請事斯語矣

莊子曰三皇五帝之禮義法度不矜於同而矜於治故
譬三皇五帝之禮義法度其猶櫨梨橘柚耶其味相反
而皆可於口故禮義法度應時而變也

孫卿子曰人生有欲欲則求求則爭爭則亂亂則窮先

欽定四庫全書

藝文類聚
卷三十八

王惡其亂也故制禮義以養之

慎子曰禮從俗政從上使從君國有貴賤之禮無賢不
肖之禮也

白虎通曰所以作禮樂者樂以象天禮以法地

家語曰孔子言於魯哀公曰人之所以生禮為大非禮
無以辨君臣之位

董生書曰理者天所為也文者人所為也人所為謂之
禮禮者因人情而為節文也以救其亂夫隄者水之防

也禮者人之防也刑防其末禮防其本

禮稽命徵曰禮之動搖也與天地同氣四時合信陰陽
為符日月為明

漢書曰叔孫通為高祖制漢儀十二篇

范曄後漢書曰詔召玄武司馬班固問定禮制之宜固
曰京師諸儒多能說禮宜廣招集共議失得帝曰作舍
道邊三年不成會禮之家名為聚訟互生疑異筆不得

下昔者堯作大章一變足矣章和元年乃召曹褒詣嘉

欽定四庫全書

藝文類聚
卷三十八

德門持班固所上叔孫通漢儀十二篇數褒曰此制散
略多不合經令宜依制條使可施行褒於南宮東觀考
正舊禮上自天子至於庶人冠昏吉凶終始制度以為
一百五十篇

典略曰孔子適宋與弟子習禮於樹下宋司馬桓魋使人
拔其樹去適於野

賦楚荀况禮賦曰爰有大物非絲非帛文理成章非日
非月為天下明生者以壽死者以葬城郭以固三軍以

彊粹而王駁而霸無一焉而亡臣愚弗識敢請之王王曰此夫文而不采者歟簡而易知而致有理者歟君子所敬小人不敬者歟匹夫隆之則為聖人諸侯隆之則一四海者歟至明而約甚順而體請歸之禮

祭祀

尚書大傳曰祭之為言察也薦至也言人事至於神也爾雅曰春祭曰祠祠之言食夏祭曰禘新菜可為秋祭曰嘗嘗新穀也冬祭曰蒸蒸進也進品物祭天曰燔柴

欽定四庫全書

祭文類聚卷三十八

六

既祭積薪焚之祭地曰瘞埋既祭埋藏之祭山曰廋懸或廋或懸置之於山廋音就祭水曰沈浮或沈或浮置之於水祭星曰布布散於地祭風曰磔今俗當大道中磔狗云以止風此其遺象也是類是禡師祭也類於上帝禡於所征之地禡莫祭反出詩大雅既伯既禱馬祭也伯馬祖也將用馬力必先祭其祖也

廣雅曰圓丘大壇祭天也方澤大圻祭地也

周書曰設丘兆於南郊以祀上帝配以稷農皇先王

皆與食

說文曰除惡之祭曰禴告事示福曰禱道上之祭曰犧

絜意以享曰禋以事類祭神曰禋祭司命曰祫禋利切祭

豕先曰禴似勞切月祭曰禘子內切

周官曰凡庶人不畜者祭無牲不耕者祭無盛又曰血

祭祭社稷五祀五岳埋沉祭山林川澤以鬴鬴音手辜過豚也

祭四方百物以肆獻裸享先王以饋食享先王又曰凡

陽祀用騂牲毛之陰祀用黝牲毛之陰是北郊

欽定四庫全書

祭文類聚卷三十八

七

鄭注周禮曰爵為蘭也養之和鬯酒也

禮記曰祭豐年不奢凶年不儉又曰祭不欲數數則不

敬祭不欲疏疏則怠是故君子合諸天道春禘秋嘗霜

露既降君子履之必有悽愴之心非其寒之謂也春雨

露既濡君子履之必有怵惕之心如將見之樂以迎來

哀以送往又曰孟春之月其祀戶祭先脾孟夏之月其

祀竈祭先肺中央土其祀中雷祭先心孟秋之月其祀

門祭先肝孟冬之月其祀行祭先腎天子祭天地四方

山川五祀歲徧大夫祭五祀歲徧士祭其先祭日於壇祭月於坎日於東序月於西序以別幽明內外王立七祀曰司命曰中雷曰國行曰國門曰泰厲曰戶曰竈諸侯五祀曰司命中雷國門國行公厲大夫三祀曰族厲曰門曰行士二祀曰門曰行庶人一祀曰或立戶或立竈聖人之制祀也法施於民則祀之以死勤事則祀之以勞定國則祀之能禦大災則祀之能捍大患則祀之日月星辰人所瞻仰也山林川谷邱陵人所取材用也

欽定四庫全書

藝文類聚
卷三十八

非此族也不在祀典

尚書曰肆類于上帝禋于六宗望于山川徧于羣神王肅注云六宗者所宗者皆絜祀之埋少牢於泰昭祭時也相近於坎壇祭寒暑也王宮祭日也夜明祭月也幽宗祭星也雩宗祭水旱也

詩曰以享以祀以介景福

穀梁傳曰宮室不設不可以祭者薦其義也非享味也物理論曰古者尊祭重神祭宗廟追養也祭天地報往

也

論衡曰凡祭祀之義有二一曰報功二曰修先報功以勉力修先以崇恩也

幽明錄曰廟方四丈不作墻道廣五尺夾樹蘭香齋者煮以沐浴後祭所謂蘭湯

尸子曰齊有貧者命其狗為富命其子為樂方將祭入於室叱之曰富出祝曰不祥家果有禍長子死哭之曰樂乎而不自悲也

欽定四庫全書

藝文類聚
卷三十八

孔叢子曰元和一年春帝東巡狩還過魯幸闕里以太牢祀孔子及七十弟子作八代之樂大會孔氏男子二十以上者六十人

趙王書曰趙王既往平吳春祭三江秋祭五湖因以其時為之立祠垂之末世傳之萬載

漢書曰高祖微時聞魏公子賢及即位每過大梁常祀公子高祖十二年從擊黥布還為公子置守冢五家世世以歲四時奉祠又曰元始四年詔書祀百辟卿士有

益於民者蜀郡以文翁九江以召父應詔書歲時郡二千石率官屬行禮奉祠信臣家在南陽亦為立祠又曰初朱邑且死囑其子曰我故為桐鄉嗇夫其吏民愛我必葬桐鄉後世子孫奉我不如桐鄉民及死其子葬之桐鄉西郭外民果共為邑起家立祠祭至今不絕

東觀漢記曰桓譚字君山沛人章帝元和中行巡狩至沛令使者祠譚冢鄉里甚榮之又曰永平二年十一月詔京兆右扶風以中牢祀蕭何霍光出郡錢穀給蕭何

欽定四庫全書

藝文類聚
卷三十八

十

子孫在三里內者悉令侍祠又曰皇帝立黃老祠濯龍中為壇彩色眩曜

漢舊儀曰皇帝祭天紫壇帷帳高皇帝配天后堂下西

向紺席也

左傳曰龍見而雩

早祭也祈而為雩

雪霜風雨之災則祭之

文魏武帝祠太尉喬玄墓文曰昔以幼年逮升堂室增榮益觀皆由獎助士死知己懷此無忘又承從容要誓徂逝之後路有經由不以斗酒隻雞過相沃酹車過三

步賜痛勿怪雖臨時戲笑之言非至親之篤好夫何肯為此辭哉

晉潘岳為諸婦祭庾新婦文曰潛形幽櫬寧神舊宇室虛風生牀塵帷舉自我不見載離寒暑雖則乖隔哀亦時叙啓殯今夕祖行明朝雨絕華庭埃滅大宵儼執箕帚偕奉夕朝髣髴未行顧瞻弗獲伏膺飲淚感今懷昔懷昔伊何祁祁娣姒感今伊何冥冥吾子形未廢目音猶在耳

欽定四庫全書

藝文類聚
卷三十八

十一

晉殷闡祭王東亭文曰以少牢之奠敬薦東亭王侯之靈蓋聞朗鑑不塵精金能照君以珪璋資以明要少長風流舉契理調事擾皇家道在君子亮誠外內寄心萬里契同風雲義貫終始自昔索居荏苒于茲五載不覩何日不思嗚呼若人奄隨化遷古之遺愛猶或興言承凶愴痛慨然留連

晉殷允祭徐孺子文曰惟豫章太守殷君謹奠漢故聘士豫章徐先生惟君資純玄粹含真太和卓爾高尚道

映南岳逍遙環堵萬物不干其志負楊行吟軒冕不易其樂時搗虛榻佇金蘭之眷千里命契寄生芻之詠非夫超悟身名過世無悶者孰若是乎夫誠素自中微物為重蘋藻是歆實過牲牢

晉王珣祭徐聘士文曰豫章徐先生陶精太和誕膺一德藏器高栖確爾特立貞一足以制羣動純本足以息浮末宣尼有言不事王侯高尚其事若先生者抑亦當之矣限茲遐路無由造敬係佇靈宇乃情依依故貢薄祀昭迷宿心神而有靈儻垂尚饗

欽定四庫全書

藝文類聚
卷三十八

十三

晉周頴文祭梁鴻文曰晉隆安四年陳郡周頴文以謫藻行潦祠於梁先生之墓夫子邁志箕穎塵垢雕俗骨秀風霜性淳寡欲娶待僭隱之儼文絕陪臣之錄遂負策周魯之郊逆旅吳會之阿可謂高奇絕倫孤生莫和者也後學撫牘得人在文忽以知命而展其墳芒芒積草有馥餘芬昔先生過延陵而想季經海隅而感連苟踐迹而趣合亦斷金於當年

宋王僧達祭顏延之文曰氣高叔夜嚴方仲舉逸翮獨征孤風絕侶

宋陶潛自祭文曰歲惟丁未律中無射天寒夜長風氣蕭颯鴻鴈于征草木黃落陶子將辭逆旅之館永歸本宅故人懷其相悲同祖行於今夕自余為人逢運之貧簞瓢屢罄締結冬陳已達運命疇能罔眷余今斯化可以無恨壽涉百齡身慕肥遁從老得終奚所復戀葬之中野以安其魂寂寂我行蕭蕭墓門蒼侈宋臣儉王

欽定四庫全書

藝文類聚
卷三十八

十三

孫匪貴前譽孰貴後歌人生實難死如之何
宋顏延之祭屈原文曰蘭薰而摧玉貞則折物忌堅芳人諱明絜曰若先生逢辰之缺

齊卞伯玉祭孫叔敖文曰謹以醴羞祭楚令尹孫君之靈眇眇千載悠悠舒荆理無不通事隔者形尚想清塵承風效誠超超夫子淡矣道情自心伊貴人爵靡嬰芳風如蕭清響如墳景矣行役言戾豫方側聞夫子記憤睢陽靈封顏墓丘壑榛荒幽幽神道為有為亡徘徊永

念懷美其傷

齊謝朓為諸婦祭阮夫人文曰婉婉嬋德幽閒媚性明史宏歲陳詩陳詠嘉言足題清暉可映契闊未幾音塵如昨中景遽傾芳木先落嗚日文鵠享祀虛薦帶上先結握中遺扇迸淚失聲潺湲如霰

齊孔稚珪祭外兄張長史文曰惟君之德高明秀挺浩汗深度昂藏風領學不師古因心則膺奎蹄象錄隸軌莊惠吾與夫子分協芳金憑風共酒藉月同琴

欽定四庫全書

卷三十八

十四

梁簡文帝祭戰亡者文曰降夫既旋功臣又賞班荷元勲蘇達漏網校尉霑榮屬國蒙獎獨念斷魂長畢灰壤膏原染刃委骨埋泉徒聞身沒詎辨名傳

梁徐悱妻劉氏祭夫文曰維梁大同五年新婦謹薦少牢於徐府君之靈曰惟君德矣禮智才兼文雅學比山成辨同河瀉明經擢秀先朝振野調逸許中聲高洛下含潘度陸超鍾邁賈二儀既肇判合始分簡賢依德乃隸夫君外治徒舉內佐無聞幸移達性願習蘭膏式傳

琴瑟相酬典墳輔仁難驗神情易促電殫春紅霜彫夏綠躬奉正衾親觀啓足一見無期百身何贖嗚呼哀哉生死雖殊情親猶一敢遵先好手調羹橘素銀空乾奠鵠徒滋昔奉齊眉異於今日從軍暫別且思樓中薄遊未反尚比飛蓬如當此訣永痛無窮百年何幾泉穴方

同

陳沈炯祭梁吳郡袁府君文曰夫宮鳴徵應響韻相趨桂馥蘭芬期臭斯在道合一朝豈忘千載日者明德世

欽定四庫全書

卷三十八

十五

彥振纓王室坐嘯大邦顯治巨麗竊以不敏出宰勾吳上郡下邑都城接雉雖王事靡盬無失豫遊窺洞庭於五湖登姑蘇於九曲身後之事一至於斯今者長樂未央已夾塋里之墓公宮魯庫非復少昊之墟成土一棺未知何託解劍絮漿漿轉增歎歎

郊丘

爾雅曰祭天曰燔柴祭地曰瘞埋

廣雅曰圓丘太壇祭天方澤大圻祭地

周書曰乃兆乎南郊以祀上帝配后稷農皇先王與食
周官曰大宗伯掌天神之禮以禋祀祀昊天上帝以實
柴祀日月星辰以槁燎祀司中司命風師雨師又曰蒼
璧禮天黃琮禮地又曰四圭有邸以祀天旅上帝兩圭
有邸以祀地旅四望大司樂奏黃鍾歌大呂舞雲門以
祀天神謂五帝及天日月星辰王者各以夏正月祀其
受命之帝於南郊也奏太簇歌應鍾舞咸池以祭地祇
於北郊謂地神及社稷也又曰凡樂圓鍾為宮黃鍾為

欽定四庫全書

卷三十八

六

角太簇為徵姑洗為羽雷鼓雷鼗孤竹之管雲和之琴
瑟雲門之舞冬日至於地上之圓丘奏之若樂六變天
神皆降可得而禮矣凡樂函鍾為宮太簇為角姑洗為
徵南呂為羽靈鼓靈鼗孫竹之管空桑之琴瑟咸池之
舞夏日至於澤中之方丘奏之若樂八變則地祇皆出
可得而禮矣

禮記曰郊之祭迎長日之至大報天而主日也兆於南
郊就陽位也掃地而祭於其質也器用陶匏以象天地

之性也於郊故謂之郊又曰祭帝於郊所以定天位也
又曰成王封周公於魯命魯公祀周公以天子之禮樂
是以魯君孟春乘大輅戴弧彌旂十有二旒日月之章
祀帝于郊配以后稷天子之禮也

詩序曰昊天有成命郊祀天地也

公羊傳曰祭者薦其時也薦其義也非享味也又曰山
川有能潤乎百里者天子秩而祀之

漢書曰成帝初即位丞相御史大夫桓譚奏言帝王之

欽定四庫全書

卷三十八

七

事莫大於承天之序承天之序莫重於郊祀故聖王盡
心極慮以建其制祭天於南郊就陽之義瘞地於北郊
則陰之象也又曰高帝入關問秦祀何帝曰白青黃赤
四帝上曰天有五帝而四何莫知其說上曰五待我為
立黑帝祀曰黑時

漢舊儀曰漢法二歲一祭天於雲陽宮甘泉壇以冬至日

祭天天神下三歲一祭地於河東汾陰后土宮以夏至
日祭地地神出祭五帝於雍時又曰祭天用六綵綺席

六重上一丈中一幅四周緣之玉几玉飾器又曰桓帝祭天居玄雲宮齋百日上甘泉通天臺高三十丈以候天神之下見如流火舞女童三百人皆年八歲天神下壇所舉烽火桓帝就行宮中不至壇所甘泉臺去長安三百里望見長安成帝已來所祭天之圓丘也又曰祭地河東汾陰后土宮宮曲入河古之祭地澤中方丘也禮儀如祭天

五經通義曰王者所祭天地何王者父事天母事地故欽定四庫全書

藝文類聚
卷三十八

以子道也祭日以丁與辛何丁者反覆丁寧也辛者自克辛也

後漢書曰靈帝建寧二年迎氣黃郊遂放洛水西橋逢暴風雨導從鹵部車載發蓋百官露濡還不至郊

賀循上郊壇制度曰漢舊儀南郊圓壇八陛於宮南七里北郊方壇四陛於城北四里依漢故事祭於壇三十步高二丈大二丈

賦晉郭璞南郊賦曰於是時惟青陽日在方旭我后將

受命靈壇乃改步而鳴玉升金軒撫太僕揚六轡齊八駟列五幡於一元兮靡日月乎黃屋矯陵鳥以偵候兮整豹尾於後屬爾乃造曠場矣壇庭百寮山立萬乘雲縈延祝史肆玉牲登圓丘揖太清禮羣望告皇靈天澄其氣日朗其精飛廉鼓舞於八維兮豐隆擊節於九冥祝融穆清而肅侍兮陽侯滄以中停郊寢之內區域之外雕題弁服被髮左帶駿奔在壇不期而會我我羣辟蚩蚩黎庶翹懷聖猷思我王度事崇其簡服尚其素化無不融萬物自鼓振西北之絕維隆東南之橈柱廓清紫衢電掃神宇風馬桂林抗旌琳圖五岳不足以題其勲九韶不足以贊其舞

欽定四庫全書

藝文類聚
卷三十八

頌梁簡文帝南郊頌曰臣聞唯天為大聖人敬其德知幾其神至人契其道故龍官弱言之后合揆於蒼旻鳥紀垂衣之君昭格於上帝皇帝之御天下也緯天維理地軸移澆風於末俗反淳正於區中化不言而先顯教不言而已肅九垓同軌四海無波塵清世晏蒼兕無所

用其武功運謚時雍驚威並修其文德玉門罷候紫

塞沈烽畫一之政萬代表於時和三章之律百姓沐於

仁壽於是龍光之地日浴之鄉紫舌黃支頭飛鼻飲自

西自南無思不服由是嘉祥被衆瑞發金人澤馬丹甌

玉雞三角九尾四角六足參差於郊藪布護於宮闈乃

以恭肅神祇理通孝敬江左以來爽塏未聞爰命將作

掾日載營三靈叶響百工咸事宛如神造儼類仙居五

達四通廓郊彌澤南瞻重岳北眺芒嶺東臨霸澆西望

欽定四庫全書

藝文類聚

卷二十八

舊豐紆餘委蛇邱陵起伏澎湃羣山川異態飛梁遠

宇洞燭空懸紫殿仙宮霞褰鳥翥

表梁簡文帝上南郊頌表曰雖周郊南甸宗伯之官徒

設漢興北時寅恪之道未隆而體元含極先後弗違典

盛望裡理通孝敬潔靜之禮載光禘郊之風斯洽昔東

平琅瑯著藻炎德臨淄中山禱文魏美

啓梁元帝慶南郊啓曰大裘而冕陶匏以質黃鍾既奏

雲門斯舞樂諧六變歌陳九德感天動神式展誠敬

宗廟

尚書大傳曰廟者貌也其以貌言之也

釋名曰宗尊也廟貌也先祖形貌所在也

禮記曰天子七廟三昭三穆與太祖之廟而七諸侯五

廟二昭二穆與太祖之廟而五大夫三廟一昭一穆與

太祖之廟而三士二廟庶人祭於寢遠廟為祧去祧為

壇去壇為墀去墀為鬼自祧以下皆廟又曰凡祭宗廟

之禮牛曰一元大武豕曰剛鬣豚曰臠肥羊曰柔毛雞

欽定四庫全書

藝文類聚

卷二十八

曰翰音犬曰羹獻雉曰疏趾兔曰明視脯曰尹祭烹魚

曰商祭鮮魚曰脰祭水曰清滌酒曰清酌黍曰蕡合梁

曰蕡其稷曰明粢稻曰嘉蔬韭曰豐本鹽曰鹹醢玉曰

嘉玉幣曰量幣又曰當七廟五廟之無虛主唯禘祭於

祖為無主爾又曰夏六月以禘禮祀周公於太廟薦用

玉豆雕篋爵用玉琖

周禮注五歲一禘三歲一祫又曰凡賓客獻瑤鬯皆贊

又曰凡濯玉濯之陳之以贊裸事注云濯玉圭瓚也

儀禮曰始虞用柔日哀某敢用絜牲剛鬣香合嘉薦

說文曰宗廟之木主名曰柁

白虎通曰言神無所依據孝子以主繼心又曰位尊威德所及彌遠謂之禘祫何禘之為言讓也序昭穆禘父子也祫合也

五經要義曰木主之狀四方穿中央以達四方天子長尺二寸諸侯長尺皆刻諡于其背

擊壤決疑注曰凡廟之主藏於戶外北牖下有石函故

欽定四庫全書

卷三十八

名宗柁

五經異義曰謹按叔孫通宗廟有日祭之禮自古而然也三歲一祫周禮也一禘疑先王禮也

論語曰夏后氏以松殷人以栢周人以栗栗敬也使人謹敬也

詩曰閟宮有佻注云閟禘禘陽之盛也姜嫄人所依故

曰神宮又曰清廟祀文王也周公既成洛邑率以祀文王焉清者言有清明之德又曰有壬有林錫爾純嘏純

大也嘏謂尸與主人以福也

漢書曰廟所以藏主則列昭穆

續漢書曰祫合也毀廟之主合食於太祖也禘以四月祫以十月四月陽氣在上陰氣在下正尊卑之義十月五穀登故骨肉合聚飲食

漢書儀曰子為昭孫為穆昭西面穆東面三年大祫諸帝以昭穆坐於高廟又曰皇帝會諸侯酎酒以上計設九賓陪位也

欽定四庫全書

卷三十八

國語曰甸服者祀日祭月祀先王之訓者也

張方楚國先賢傳曰古者先王日祭月享時類歲祀諸侯舍日卿大夫舍月士庶人舍時

鍾離意別傳曰意為魯相修孔子廟孔子堂道有甃意召守廟孔訴問曰此何等甃訴曰夫子甃背皆有書故

自夫子亡後無敢發者意乃發得素書焉

吳錄地理志曰會稽有禹廟始皇配食王朗為太守黜之

晉諸公贊曰王浚字彭祖為幽州刺史尋洛陽破浚承制建行臺以宗廟焚毀設壇望祀七室及功臣配食者楚辭天問序曰屈原放逐憂心愁悴彷徨山澤經歷陵陸仰天歎息楚有先王之廟及公卿祠堂圖畫天地山川神靈及古賢怪物所行事周流罷倦休息其下仰見圖畫因書其壁呵而問之以泄憤寫愁思

詩宋謝瞻經張子房廟詩曰伊人感代工聿來扶興王婉婉幕中畫暉暉天業昌鴻門消薄蝕垓下隕機槍爵

欽定四庫全書

藝文類聚
卷三十八

王

仇建蕭宰定都護儲皇肇允契幽史翻飛指帝鄉惠心奮千祀清埃播無疆

宋鄭鮮之行經張子房廟詩曰七雄裂周紐道盡鼎亦淪長風晦崑溟潛龍動泗濱紫煙翼丹虬靈媪悲素鱗宋范泰經漢高廟詩曰嘯吒英豪萃指揮五岳分乘彼道消勢遂廓宇宙氛重曠豈不偉奮臂騰羣雄壯力拔高山猛氣烈迅風恃勇終必撓道勝業自隆

齊謝朓賽敬亭廟喜雨詩曰執玉朝羣帝梅桂迎東皇

排雲接蜺蓋蔽日下霓裳會舞紛瑤席安歌繞鳳梁百味芬綺帳四望霑羽觴

梁簡文帝和蕭東陽祀七里廟詩曰萬里賈幽宗三神亦天攝豈謂木石精斯乃山川守遠來太白旗遙徵青鳥候以茲弗敬息方知教應富又漢高廟賽神詩曰玉軌朝行動闔闔旦應開白雲蒼梧上丹霞咸陽來日正山無影城斜漢屢迴瞻流如地脉望嶺匹天台欲祛九秋恨聊舉十千杯

欽定四庫全書

藝文類聚
卷三十八

王

梁元帝祀五相廟詩曰石城寧足拒金陣詎能追楚關開六塞吳邱入九圍山水猶縈帶城池失是非空餘壽宮在日暮舞靈衣

梁庾肩吾漢高廟詩曰昔作唐山曲今承紫貝壇寧知臨楚岸非復望長安塵飛遠騎沒日徙半峰寒又亂後經夏禹廟詩曰金簡沉初發龍門鑿始通配天不失舊為魚微此功林堂上偃蹇山殿下穹窿侵雲似天關照水類河宮神來導赤豹仙去擁飛鴻松龕撒暮組棗徑